

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 271887 26 St
Zenica, 10.09.2026. godine

Općinski sud u Zenici, sutkinja Marina Šapina, u stečajnom postupku nad „FLAMENGO-COMPANY“ Društvo za proizvodnju obuće i trgovinu Visoko d.o.o., Šahinovića br. 6, Visoko, zastupan po punomoćniku Kemal Ganić, odvjetnik iz Visokog, odlučujući o prijedlogu privremenog stečajnog upravnika Ismić Sulejmana iz Visokog, na ročištu održanom dana 10.09.2026. godine, u prisustvu privremenog stečajnog upravitelja Ismić Sulejmana iz Visokog i punomoćnika predlagatelja Ganić Kemala, odvjetnika iz Visokog, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predujam za obezbijeđenje troškova stečajnog postupka u iznosu od 3.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predujam sud će otvoriti stečajni postupak i odmah zaključiti stečajni postupak nad društvom „FLAMENGO-COMPANY“ Društvo za proizvodnju obuće i trgovinu Visoko d.o.o., Šahinovića br. 6, Visoko, MBS: 1-8277.

O b r a z l o ž e n j e

Prijedlogom od 19.03.2026.godine, predlagatelja „FLAMENGO-COMPANY“ Društvo za proizvodnju obuće i trgovinu Visoko d.o.o., Šahinovića br. 6, Visoko, zastupan po punomoćniku Kemal Ganić, odvjetnik iz Visokog, pokrenut je stečajni postupak nad navedenim društvom.

Rješenjem ovoga suda br. 43 0 St 271887 26 St od 02.04.2026.. godine, pokrenut je prethodni postupak radi utvrđivanja uslova za otvaranje stečajnog postupka nad imovinom „FLAMENGO-COMPANY“ Društvo za proizvodnju obuće i trgovinu Visoko d.o.o., Šahinovića br. 6, Visoko, te je za privremenog stečajnog upravitelja imenovan se Sulejman Ismić iz Visokog, Carica 12.

Na ročištu za ispitivanje uvjeta za otvaranje stečaja održanom dana 10.09.2026. godine, privremeni stečajni upravitelj je izjavio da ostaje kod izvještaja dostavljenog sudu dana 24.04.2026.godine. Navodi da je kontaktirao upisanog zakonskog zastupnika Šahinović Rasmira, koji mu je predočio kompletnu situaciju oko poslovanje predmetne firme. Navodi da je obišao i dotadašnje sjedište firme, koje nije bilo u vlasništvu firme nego je bilo u zakupnom odnosu, te je utvrdio da na navedenoj adresi više ne postoji ni istaknuta firma niti predmetno društvo ima ikakve imovine koja bi činila stečajnu masu. Utvrdio je da stečajni dužnik već duže vrijeme ne obavlja djelatnost i ne posjeduje bilo kakvu imovinu ili imovinska prava koja bi predstavljala stečajnu masu, što je potvrđeno i uvjerenjima nadležnih javnih registara, priloženim uz izvještaj i to: Potvrda nadležnog

Zemljišnoknjižnog ureda broj:041-0-RZ-26-000903 od 21.04.2026.god., Uvjerenje nadležnog Katastarskog ureda broj: 04/2-26-1-187/26 od 22.04.2026.god., Uvjerenje MUP-a broj: 08-01-02/6-03-7-2335/26 od 21.04.2026.godine. Dalje navodi da je društvo imalo račun u Sparkasse bank d.d. broj: 1990470004609003, koji je prema Izvještaju o računima poslovnog subjekta 19.02.2026.godine Centralne banke BiH, ugašen na dan 12.11.2007.god., dakle prije podnošenja zahtjeva za pokretanje stečajnog postupka.

Navodi da su posljednji urađeni bilansa na dan 31.12.2025.godine , u kojima se vodi potencijalna imovina, potraživanja i dugovanja, i isti su iskazani sa nulama tako da nema iskazane imovine i dugovanja u finansijskim bilansima, jer je firma prestala sa radom prije 20 godina. Obzirom na navedeno, prijedlog za pokretanja postupka pokrenut je odmah po prikupljanju sredstava, te smatram da je navedeni prijedlog podnesen po sticanju uslova za isto u skladu sa odredbama člana 61. stav 2. Zakona o stečaju.

Dalje navodi da je uvidom u poslovnu dokumentaciju, javne registre, izjave zakonskog zastupnika utvrđeno da društvo ne obavlja djelatnost. Svoju djelatnost je obavljalo u prostorijama koje su u zakupnom odnosu i drugih nekretnina u vlasništvu ili posjedu nema, sva imovina koju je imalo Društvo već odavno je prodana i rasknjižena. Društvo nema pokretnu imovinu, niti novac ili imovinska prava. Društvo nema potraživanja niti iskazanih trenutnih dugovanja i obaveze u predloženim bilansima. S obzirom na cjelokupno stanje Društva ne može se očekivati bilo kakav pozitivan pomak ka nastavku poslovanja.

Isti da bez obzira što obaveze nisu iskazane Društvo ima dugovanja iz obaveze koje pristižu bez obzira na to da li društvo posluje ili ne npr.obaveze plate, porezne obeveze i sl.) a iste društvo nije u mogućnosti da ispuni. Tako iz navedenog možemo reći da postoji razlog za otvaranje stečajnog postupka iz razloga prijetće platežne nesposobnosti, a i s obzirom da je prijedlog podnio sam stečajni dužnik predlaže da sud pozove povjerioce i zainteresirana lica da u roku od 30 dana uplate iznos od 3.000,00 KM na ime popredujma troškova stečajnog postupka i predlože otvaranje stečajnog postupka, a ukoliko u ostavljenom roku isto ne bude učinjeno da sud donese rješenje o otvaranju i zaključenju stečajnog postupka i po pravomoćnosti briše društvo iz sudskog registra.

Punomoćnik predlagatelja izjavljuje da ostaje kod prijedloga za otvaranje stečajnog postupka, da nema primjedbi ni pitanja na izvještaj privremenog stečajnog upravitelja, te da je suglasan je sa prijedlogom privremenog stečajnog upravitelja.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbijedenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:
Protiv ovog rješenja nije
dozvoljena žalba.

Sutkinja:

Marina Šapina, v.r.